



Tuhaqtauyukhaq

GN-kut havaktiliqtait North Sky Consulting-kunnik hannaiyaangani Nunavut Aulaniata Qanurittaakhaanganik Naunaitkutamik

Iqaluit, Nunavut (Mii 21, 2009) – Kavamanga Nunavut havaktinnahualiqtait North Sky Consulting-kut qauyihaiyaangani katimaqatigiigiangani inungnik ihivriuqhiyaangani kavamatkut hakugingniinnik hakuitainniklu aulaniagut, Hivuliqti Aatiak uqaallaktuq uplumi.

“Havaavut hivunirni tallimani ukiuni pihimayukhat iniqhimayaptingnut talvalu ihuaqhittiarahuarlugit tahapkua aulattiangittut,” Hivuliqti Aariak uqaqtuq. “Ihivriuqhiniq atuqtaptingnik, aturniq maningnik, havaktikhaqhiurniq pittiarirlu Inuit pitquhiinnik nuatqatigiittiarutainniklu tuniniaqtaatigut kangiqhiyakhaptingnik piyaangani hivulliuyukhanik havaakhanut hivuniptingniittunut.”

Ihivriuqhiniq pitquyauhimayuq titiraqhimayumi *Tamaptami*, Kavamaata Nunavutim takuyumayaani hivulliuyukhanullu uqaqhiamyani hivunirni ukiuni tallimani. Una “Aulaniata Qanurittaakhaagut” havaariyauyuq aulapkarniaqtaa naunaiyattiaqhimayuq havaariyauyumayuq atuliriangani javamatkut takuyumayaat imaa tamaita Nunavunmiut piyaangani ihariagiyamingnik.

Tatjamit Aktuupamut, tamaita Nunavunmiut ilaulaarniaqtut aallatqiikkut hunakkut, hapkua qaritauyakkut qauyihainirmi, akiqanngittuq hivayautikkut, uvuunalu Nunavunmi tamaani hivayarvikkut tuhaqtittinirmi. North Sky Consulting-kut aullaqtirniaqtaat ihivriuqhiniq kavamatkut qanuriliurutainnik huliyaainnullu Juunmi, ukuallu aquilutik nunallaanut tamainnut upluni qanuq katimaqatigiyaangani timiuyut inuillu, katimalutiklu atuni nunallaani. Una *Unniutjut Aulanianik Qanurittaakhaata Kavamatkut* naittummik titiraqhimayuq kangiqhihimayainnik hapkunuuna tuniyauniaqtuq tamainnut Maligaliuqtinut Aktuupa 1, 2009mi.

North Sky Consulting-kut piyauvaktut atuqhugu inungnut tamainnut turaangayuq uuktuutikharmik aullqtiqhimayumik Iipumi. Kavamatkut piumagamik ahianiutamik qauyihaiyiniq imaa, kangiqhimaplutik Nunavunmik ukiuqtaqtumiklu, qauyihaiyaangani inmiguurlutik ahianit Kavamaita Nunavut.

Ilagiit taapkua hivuliqtigiyaat Piers McDonald, nanminiaqtuq kavamatkunni havaktiuvaktuq Yuukaanmi Ministauplunilu Ilinniaqtuliyiyitkunni. Ilauyut talvani ayunngittut kavamatku aulanianik, inungnut atuqtakhaliuqtarnirmut, uvanilu katimaqatigiingnirmi inungnut nakuuyumik piyaangani.

